



Koe tokoni fakapa'anga ki he ngaahi fakamole ki he mo'ui faka'aho.

'I he patiseti 'o e ta'u ni 2022, na'e fakahā ai 'e he pule'anga ha tokoni fakapa'anga ki he ngaahi fakamole ki he mo'ui faka'aho (Cost of living) 'I ha vaha'a taimi nounou, ki he kakai kotoa pe 'oku nau ma'u kakato 'a e ngaahi makatu'unga 'oku fiema'u ki he tokoni fakapa'anga ko eni. Koe tokoni fakapa'anga ki he ngaahi fakamole ki he mo'ui faka'aho (Cost of Living Payment), e fika'i pe ia 'e he potungaue tukuhau (Inland Revenue) pea 'e totongi 'otometiki pe ia (automatically paid) mei he potungaue tukuhau.

Ko e hā e ngaahi makatu'unga 'e malava ai ke ke ma'u ae tokoni ko eni?

'E lava ke ke ma'u 'a e tokoni fakapa'anga ki he ngaahi fakamole faka'aho (Cost of Living Payment) kapau na'e si'i hifo ho'o pa'anga hū mai i he \$70,000, i he vaha'a taimi 'o e 'aho 1 'o 'Epeleli 2021 kihe 31 Ma'asi 2022, pea kuo pau ke ke:

- ta'u 18 o lahi hake ai
- Nofo 'i Nu'usila ni pea ko e toko taha totongi tukuhau koe (New Zealand tax resident pea)
- 'oku 'ikai keke ma'u e tokoni 'uhila pe ivi fakaenatula, lolotonga e taimi Momoko (Winter Energy Payment) mei he Pule'anga.

'E 'iai pe 'a e kakai he 'ikai kenau lava o ma'u e tokoni ko eni (Cost of Living payment). Vakai ki he'emaui uepisaiti (website) ki hono fakaikiiki

ird.govt.nz/cost-of-living-payment

'Oku 'ikai ke fiema'u ke ke tohi kole pe fakahū mai ha tohi kole ki he tokoni ko eni. Te mau sio pe mo vakai'i ho lekooti kuo mau ma'u, pea kapau 'oku totonu ke ke ma'u 'a e tokoni ni, 'e otometiki pe hono totongi atu e tokoni ni kiate koe.

Ko e fiha 'e malava ke ke ma'u?

Ko e tokoni fakapa'anga ki he ngaahi fakamole ki he mo'ui faka'aho 'oku feunga moe pa'anga 'e \$350, 'a ia e vahevahe o totongi tu'o tolu atu

'E totongi fakakū mai e tokoni ko eni?

Kapau 'oku totonu ke ke ma'u e tokoni ko eni, 'e totongi faka mahina tolu 'o kamata mei he 'aho 1 'o 'Aokosi 2022. Ko e ngaahi aho eni 'e totongi atu ai:

- 1 'Aokosi 2022
- 1 Sepitema 2022
- 3 'Okatopa ('uluaki 'aho ngaue 'o e mahina ko eni).

Ko e pa'anga 'e fakahū hangatonu pe ki ho'o akauni pangike 'i Nu'usila ni.

Te mau vakai'i ke fakapapau'i 'oku totonu ke ke ma'u 'a e tokoni ni, ki mu'a he mahina 'e fakahoko ai hono totongi atu e tokoni. E malava pe ke ke ma'u 'a e tokoni 'uluaki, ua pe kotoa e tokoni ni 'e tolu.

Koe ha 'a e me'a te ke fai ke teuteu ke ma'u ai e tokoni ko eni

Te mau totongi atu e tokoni fakapa'anga ki he ngaahi fakamole ki he moui faka'aho ki ho'o 'akauni pangike 'oku mau lolotonga ma'u 'i he lekooti ki he tukuhau ho'o pa'anga hu mai (Income tax). Vakai ki ho'o myIR ke fakapapau'i 'oku tonu pe 'a e fika pangike ko eni.

'E ma'u mei fe ha fakamatala lahi ange fekau'aki mo e tokoni ni?

Kataki vakai ki he 'emaui uepisaiti ki he faka'iki'iki 'o e tokoni ki he ngaahi fakamole ki mo'ui faka'aho 'I he **ird.govt.nz/cost-of-living-payment**



ird.govt.nz

Go to our website for information and to use our services and tools.

- **Log in or register for myIR** - manage your tax and entitlements online.
- **Calculators and tools** - use our calculators, worksheets and tools, for example, to check your tax code, find filing and payment dates, calculate your student loan repayment.
- **Forms and guides** - download our forms and guides.

[New Zealand Government](http://www.govt.nz)